

SAOPŠTENJE:

Addiko Bank d.d. Sarajevo: Tradicionalno slobodan dan za roditelje, a ruksaci i školski pribor za prvačice



Addiko Bank d.d. Sarajevo već šest godina zaredom roditeljima čija djeca kreću u prvi razred osnovne škole omogućava slobodan dan uz plaćeno odsustvo, kako bi svoje mališane ispratili u školske klupe. Banka je i ove godine obezbijedila ruksake i školski pribor za prvačice.

„Polazak u školu je veliki korak kako za djecu, tako i za njihove roditelje. Bitno je da roditelji imaju priliku da prisustvuju ovom posebnom trenutku i pruže podršku svojoj djeci koja će im pomoći da se prilagode jednoj novoj fazi života. Na ovaj način želimo da učestvujemo u stvaranju uspomena koje će i djeca i roditelji pamtiti“, ističu iz Banke.

Kako navode, podjela ruksaka je samo jedan dodatni gest koji označava početak obrazovnog puta i praktičnu podršku u novim izazovima koje škola donosi. Banka želi da mališani krenu spremni i motivisani u sticanje novih znanja. Dodaju i da im je zadovoljstvo što ih na bankarskom tržištu prepoznaju po autentičnoj korporativnoj kulturi, te što aktivnosti koje provode u dijelu employer brendinga motivišu i druge poslodavce da poduzimaju iste ili slične korake.

Addiko Bank d.d. Sarajevo kontinuirano poduzima inicijative usmjerene na postizanje ravnoteže između privatnog i poslovnog života. Slobodan dan za polazak prvačica u školu i podjela ruksaka su samo jedna od aktivnosti koje Banka provodi kako bi osigurala zaposlenima da pored uspješnog obavljanja svog posla mogu da uživaju i u bitnim trenucima sa svojim porodicama.

Povodom početka nove školske godine, Banka je pripremila i „Back to school“ kampanju u okviru koje je moguće koristiti popust od 20% za plaćanja Addiko karticama u svim „Svjetloskomerc“ knjižarama. Popust se ne odnosi na kupovinu školskih udžbenika.

Dodatno, za vrijeme trajanja kampanje, od 15.08. do 30.09.2024. godine sve transakcije izvršene sa Addiko Mastercard kreditnom karticom u iznosu iznad 50 KM je moguće podijeliti i do 24 rate putem Addiko Mobile aplikacije, bez kamate i naknade.

Više informacija o kampanji dostupno je na zvaničnoj Web stranici Banke (www.addiko-fbih.ba) ili pozivom na besplatni info broj 0800 2 0206.